



Para peserta Smart Caliph Camp sedang beriadah.

KRAMTEENS Kota Samarahan dengan kerjasama Jawatankuasa Kolej Sakura Unimas mengadakan Program Smart Caliph Camp pada 16 hingga 17 April 2016.

Program yang diadakan di Kolej Sakura ini julung-julung kalidiadakan dan membawakan salah satu modul IKRAMTeens iaitu Keindahan Bersama-Mu.

Keindahan bersama-Mu merupakan inisiatif IKRAMTeens, sayap remaja Pertubuhan IKRAM Malaysia untuk membangunkan modul pembangunan insan yang berkonsepkan motivasi bersepada dengan pendekatan kasih sayang.

Smart Caliph Camp menampilkan Sufri Yakup, Ahli Parlimen Belia Sarawak, selaku moderator terlatih modul Keindahan Bersama-Mu ini.

Pelbagai aktiviti menarik yang diadakan seperti Knowing You Knowing Me, Nikmat oh Nikmat, Meniti Angin Malam, Hijrahku dan Sayang Ibu Ayah.

Menurut Siti Aishah Najamuddin selaku pengarah program ujarnya, "Program ini diadakan untuk meningkatkan motivasi pada diri pelajar sekali gus membimbing para pelajar dalam mengenali tanggungjawab sebagai seorang anak, pelajar, sahabat, ahli masyarakat dan hamba Allah."

Beliau menambah lagi, "Remaja merupakan aset penting untuk negara kita. Jika kita mahu melihat masa depan negara, lihatlah remajanya sekarang. Oleh itu, kami berharap agar melalui program ini membantu membentuk pelajar supaya mempunyai sahsiah seimbang dan bersepada dalam segenap aspek."

Laeeba Haslan, aktivis IKRAMTeens Kota Samarahan ketika ditemui katanya, "Kita berharap program ini dapat memberi pengembaran spiritual dan emosional akan dialami oleh para peserta sehingga terasa indahnya kasih sayang Allah, indahnya kasih sayang Rasulullah, indahnya kasih sayang ibu bapa/keluarga dan indahnya kasih sayang rakan."

"Sehingga akhirnya, tercetusnya rasa cinta dan kesedaran hakiki dari lubuk hati kecil untuk berubah dan menyerlah jauh dari yang biasa, sesuai dengan moto IKRAMTeens itu sendiri."

Program Smart Caliph Camp di Kolej Sakura, Unimas



Peserta berkenalan sesama mereka melalui slot Knowing Me Knowing You Smart Caliph Camp.

Smart Caliph Camp menampilkan Sufri bin Yakup, Ahli Parlimen Belia Sarawak dan juga moderator terlatih modul KBM.